

آبونه شرائطی : هریر ایچون
سنه لکی (۴۰۰) آلتی آیلمی
(۲۲۵) ، ممالک اجنیه ایچون
سنه لکی (۴۵۰) ، آلتی آیلمی
(۲۵۰) غروشدور .

نسخه سی ۷۰۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسلكه موافق آثار مع المنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد حاکف

صاحب و مدیر
اشرف ادیب

اتبعون اهدکم سبیل الرشاد

تذکره

آدره س تبدیلیده آیریجه
غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
فرانسجه یازلسی رجا اولتور .

پاره کوندردلیکی زمان نهیه
داثر اولدینی بیلدیرلسی
رجا اولتور

در میان ایندیکمز اسبابك ازالسه طوغری قطعی آدیم آتیلدینی تقدیرده بو مجرمك تأثیری اصغری به ، حتی هیچه اینر .

فحشك اك مهم اسبابی نظر اعتباره آلارق در میان ایندیکمز بومطالعات نهایت فحشه مجادله لزومی کوستریوره . بومجادله بی حکومت وملت احضار ایده جکدر . بر طرفدن حکومت بوتون وساطیله فحشه قارشى کلمکه چالیشه جق ، دیگر طرفدن معلملر من ، مدرسلر من ، محررلر من ، ادیبلر من وه پسندن زیاده فضیلتکار قادیلر من چالیشه جقلر در . اك مهم مسائل اجتماعیه من آرمسند بولونان بومسئله ایله مشغول اولق ایچون بوتون قوتلر مرئی طوبیلاملی بز ، حیاتی مز تهید ایدن بوتلمکه دوریورکن ، باشقه ایشلرله مشغول اولق عبدر ا

عمر رضا

اجتماعیاته غریبیلر و بوز غریبیلر :

عصری تربیه

۲

« تربیه تحصیلیه » ایله « عائله تربیه سی » نك محصله سی اوله رق هیئت اجتماعیه نك تظاهرات و تحلیلات مخصوصه سی تمثیل ایدن « تربیه اجتماعیه » مسئله مهمه سی اك منصل ، اك اساسی وجهلری احتوا ایدر . « تربیه اجتماعیه » ملترك خارجى ، داخلى حیات عمومیه لرنده درجه تر قیلرخی کوسترن یکانه بر معیاردر .

جمعیت اعضوینك باشلیجه مفكوره سی محیط اوزرنده فیضی و مثبت بر تأثیر وجوده کتیرمکدر . بو تأثیرات ، یعنی جمعیتك مثبت اولان فضائی افرادك منفی اولان فضایچه متفوق اولمیلدرکه بنیان ملی مقام بر روحی احتوا ایتسون .

اگر جمعیتك منفی فضایخی افرادك مثبت فضائله فائق اولورسه « تربیه اجتماعیه » مفهومی معنای حقیقیسیله اجرای حکم ایده من ، بلکه تردیاتك متبادی ضربه لری قارشوسنده یالکنز بر شکلدن عبارت قالیر .

« تربیه اجتماعیه » عین زمانده ملترك روحی ، عنعناتی ، اساسات اجتماعیه سی تثبیت و تظاهر ایتدیرن بر واسطه در . او قدرکه هیئت اجتماعیه نك هانکی استقامته توجه ایتدیکی ، تمثله می ، یاخود تکامله می دوغری کیتدیکی مشترک غایه لرك اراده ایلدیکی طرز مخصوص ایله آکلاشیلور .

اوفق بر تدقیق و تحلیل ایله آکلاشیله جقدرکه : هر ملت آنجق اساسات اجتماعیه سی داخلمده منکشف بز « تربیه » به مالکدر . تربیه اجتماعیه آنجق بر غایه پی استهداف ایدرکه ، اوده ملی و روح اصلی پی

فحشنامه لره قارشى مؤثر بر مراقبه ك تأسیسی البته ایجاب ایدر . یوقسه وضعیت بو شکلده دوام ایدر و ادبیات نامنه ، اکلنجه نامنه هر فضیحه نك ارتکابنده دوام ایدیلرسه کون یکدیجه فحش آفی تزید تخریبات ایده جك و هیئت اجتماعیه من بو مدهش مصیبتدن طولای پك وخیم تردیلره دوچار اولاجقدر . بوبوك ملت مجلسمرك مطبوعات قانونتی مذاکره ایدیورکن هر حالده بو خصوصاتی کال اعتنا ایله تثبیت ایتمه سی بکلرز . مملکتتمزده اك بوبوك ، اك مدهش عامل فحش اولارق تردی اخلاقی تشویق ایدن ادبیات و اکلنجه لری یاد ایتمکلمز هیچ شهسزالی قلم طونان انسانى اوتاندره جق بر حادثه در . پك شایان تلفدرکه موقوف بودر .

زنکین صنفلرك اسرافات واضلره قیدسز قلمری :

۷ — زنکین صنفلرك کوستردکری اسراف ، ذوق و اخلاقی قیدسزلق اوزنکلیرنك فحش تشویق ایتدیکی پك بدبیدر . اخلاقی صارصان ادبیات و اکلنجه لره اسراف ، سفاهت اوردنکری انضمام ایدرسه هیچ شهسز فحش تر ایدر . بو حال مملکتتمزده چوق جالب دقدر . صوك سنلرده ترین مراقی ، سفاهت آرزوسی اودرجه لره وارمشدرکه هر آئی پودره ، لوانطه ، اپك جوراب ، کورک و سائر مزینات ایچون میلیونلر خارجه آقور . اقتصادی بر فلاکت تشکیل ایدن بو حال دیگر طرفدن اخلاقی بر مصیبت تشکیل ایدیور . چونکه بو سفاهت هوسى ، بو ترین ابتلاسی وسائط مشروعه ایله تطمین امکان بولونمايچه فحشك زهرلی نتیجه لرینه آتیلمقده بئس کورولیور و بو اوغورده عفت و ناموس هدر ایدیور . بوکا قارشى یاییله جق شى منور و فضیلتکار قادیلر مرکز قوتلرخی طوبیلایه رق بوابتلارله مجادله ایتلری ، سفاهت و اسراف تمایلاتنه قارشى اقتصاد و سادك کی صفاتی تبارز ایتدیرمکه چالیشملری و بوسایده سفاهت ، اسراف و ترین کی عادتك سقامت و وخامتق عمومى بر صورتده احساس ایتدیرمه لیدر . بز استانبولك منور و فضیلتکار قادیلرخی بوبك مهم ، پك خیرلی وظیفه پی ایفایه دعوت ایدرز . قادیلر مرکز بو خصوصده موفیقی ایچون المزدن کلدیکی قدر چالیشمه پی بر وجیه بیلیرز . خاتلمر مرکز بر دقیقه تردد ایتمه لرك بو مهم وظیفه پی ایفایه شتاب ایتمه لری مملکتك سلامتی نامنه اك بوبوك خدمتدر . استانبول قادیلرخی بو وظیفه پی ایفا ایتمکه تورک قادیلرخی قورتاده جقدر .

فهمسره استفاده ایدر آدملرك صنعتی :

۸ — فحشدن استفاده ایدن آدملر بولونما سی فحشك اسباب رواجنددر . هر هیئت اجتماعیه نك ایچنده بولونمقده اولان مجرمك اك مجرمی ، عفت و اخلاقی قاتلی اولان بو آدملر در . فقط یوقاریده

اگر ملتک سچی سنده کی فطری عزم و جلالت اولسه پدی ، امید سزک چوقدن تاریخمزی سیلمش اوله جقدی .

حالبوکه تشکلات اجتماعی من ، دشمن قارشوسنده دائماً تجلی ایدن صارصیلمازایمانز پک قویدی . موقت حادثه لک تأثیراته قارشو صوغوق قائلیمزی الی نهایه غیب ایده مزدک . چونکه : بو ملتک افرادی واجدادی هیچ بروقت تهلکه وطنیه قارشوسنده عاجز واسیر قلامشدیلر . الله ایمان ایدن ، کتاب کریمی طایبان جمعیتز جهادی ده اک مقدس وظیفه اوله رق طایردی . بونک ایچون یکوجود برکنله حالنده آرسلانلر کی زبونکش دشمنلره عصیان ایتدیلر . پاره یوق ، طوب یوق ، وسائل یوق ، متفق یوق ... یوق ... یوق ... یالکز نه واردی ؟ ایمان ! اسلامی قبول ایتدیکی کوندنبری عصر لرحه عالی مفکوره لری ، مدافعه اجتماعی اسلامی بی خزر جان ایدین ملتیز عینی روح علویتله دینی ، ایمانی ، ناموسی قورقارمق ایچون سلاح یرینه دمیره ، طاشه ، الله نه چکرسه اوکا صارلدی .

چلیکدن قلعه لر یرینه یالکز کو کسینه ، اللهنه صیغیان قلیله دایاندی . آج قالدی ، قاجدی . آتشده طوفانده بوغولدی ، ییلمادی . بشریتک تصور ایدمه میچکی فداکارلقلره قاتلاندی . ونهایت جناب حق موعود اولان ظفری بخش ایتدی .

ایشته ملتک یوزبیک مزاحم ایچنده چیربندینی بوتله ککی زمانلرده ساده دشمنله تشریک مساعی ایدن معلوم الهویه اشخاص دکل ؛ قلبری ظفر ملی به ایمان ایتمه مش ، ضعیف الاخلاق ، ضعیف الوجدان ، معنویاتی بوزوق برجوق کیمسه لرده مدافعه مزک نتیجه سندن نومید ایدیلر . «تربیه اجتماعی» اعتباریه ملتک روح اصلینی احتوا ایدمه مین متردی برذهنیتک تجلی سندن عبارت اولان بو طرز تفهم له الحمد تحقق ایتدی .

دقتله تدقیق ایدیلورسه کوروله جکدرکه ، ظفرک استحصالنده اک مهم عامل نیان ملتک چوق یوکسک اساسلره مستند اولان رصانیدره . چونکه : افراد ملت بشیکدن هزاره قدر علوی حسله له ، جلالت ، شجاعت ، دیانت دستورلریله تمیه ایدلمشدی . اونه دنبری «طایفه تربیه سی» تحصیل تربیه سی ، بوغایه لره توجیه ایدلمش اولدیغدن «تربیه اجتماعی» من استقلال و مدافعه ناموس و دین بختنده اک حساس قابلیت حازر بولونیوردی . اساساً عصر لردنبری دوام ایدن داخلی ، خارجی صدمات متوالیه سنه رغماً هیئت اجتماعی مزک همومیت اعتباریه سجایای مخصوصه سنی ، موجودیت سیاسی سنی تأمین و محافظه ایده ییلمسنی ، ملتک یالکز و یالکز اخلاق و ایمانله تقویت بولان «تربیه اجتماعی» ، تربیه دینه و ملیه سی» سایه سنده ممکن اوله ییلمشدر .

تشکیلات اجتماعی من ، احوال روحیه من بوکونده آنجق «تربیه

محتوی بر تکاملک تأمینندن عبارتدر . اجتماعی برک ، روحی تساند سایه سنده مدافعه ملیه تأمین ایدلمش ، ترقی امکانی و بولی بولنش اولور . هیچ بر ملت یوقدرکه ایکی روحی ، ایکی اجتماعی احتوا ایتسون . حیات عمومی و خصوصیه سنده ایکیلیکی قبول ایتک قوای اجتماعی رخنه دار ایتکدن بشقه بر نتیجه یرمن .

بو نتیجه لری هیئت اجتماعی من ، تطبیق ایدرسه ک «تربیه اجتماعی» به نه قدر عطف اهمیت ایتکه مجبور اولدیغمز تعین ایده جکدر .

هیچ شبهه یوقدرکه : کند مزه خاص بر محیط اجتماعی من ، اوصاف میزه من موجوددر . فقط یینه تردیاتک تحت تأثیرنده فالان بو اساساتک ایکیلیکدن قور تاریله مدیغنی قید ایتک ایجاب ایدر . بو ایکیلیک حیات عمومی و خصوصیه مزک هر صفحه سنده کندینی کوسریمکده در . سنه من ، عربی ، رومی ، افرنجی در . ساعتر من آلا تورقه و آلا فرانقه در . عادات من ، حیات من «آلا نورقه» ، آلا فرانقه» دینه ایکی به تفریق اولمشدر . ایشته بتون بونلر «تربیه اجتماعی» مزک عقیقی استقامتدن انحراف ایتکده اولدیغنه کافی دلیلدر . حالبوکه یابانچی کورده نک و ذهنیتلرک تأثیرات مضره سندن قور و نمق ضرورتی اوقدر قطعیدرکه : هیچ برشی ملی وحدتک ، تساند اجتماعیک محافظه سی ایچون بوقدر حیاتی براهیتی حازر اوله ماز .

بو باده متعدد نمونه لر کوز مزک اوکنده دوریور . انگلیزلر اک یوکسک ترقیات عصریه لرینه رغماً «تربیه اجتماعی» لرینی محافظه ایتدیلر . ژاپونیا لیر ترقی و تجدد ی هیچ بر وقت اجتماعیاته تشمیل ایتدیلر . حساً ، روحاً یینه ژاپونیا لی اوله رق قالدیلر . اک یاقین بر قومشومن اولان بولغارلر بیله یقین بر زمانه طاند استقلال لرینه رغماً بمیزات ملیه لر ی اصلاً اونو تمیدیلر . «تربیه اجتماعی» دائماً ملی تساند لرینک خادمی اولدی .

«تربیه اجتماعی» بختنده نظر دقتی جلب ایدن حادثه لردن بری ده قوه معنویه مسئله سیدر . ملتک سیکیرلری قوتلی اولدقچه خارجی ، داخلی بحرانلردن قور توله لرینه امکان یوقدر . سیکیرلرک قوتی ایسه قوه معنویه نک یوکسه کلکندن بشقه برشی دکدر . حیات خصوصیه ده ده معناً متکمل اولانلر دائماً موفق اولویورلر . حالبوکه یأس و نومیدی به قایلانلر مجادله حیاتیه نک کونا کون مزاحمی ایچنده قیورانیورلر . تمادی ایدن عدم موقیتلر ، مللر انسانلری بر فوضای روحی اولان اتحاره قدر سور و کلور . جمعیتده بدین اولانلرک چو ظلمی ، تمیر دیگرله روح ملینک تردیسی ایسه آنجق اقراض و انهدامی حاضر لیه ییلر . متارکبی متعاقب هر طرفدن وطن مزه حلول ایدن دشمن سور و لری وجدانمزی نه قدر کیرمشدی . اونه یأس و نومیدی کونلریدی . هر کس استقبالی اونوش ، حالک و خاتمی قارشوسنده مدهوش قالمشدی .

واجتماعی قورومقده دوام ایستدیکمز مدتیجه ترقیات مادیه نك حصولی هر زمان تحت امکان وامینتده در. آنجق شخصیت مخصوصه منری ضایع ایدرک روحاً غریبه تمثیل ایتمک تهلککسنه دوشرسه ک اصل اوزمان ترقی وتجدد امیدلری قاپانمش اولور .

مسئله حکمت

اعظم ومقدسات اسلامیه

علیهنمه کی نشریات فارشو تعقیباته بولونولسی مجلسی نشری انری

بوزاق مبعوثی احمد حدی بك احکام ومقدسات اسلامیه علیهنده مقالات نشریدن غزته لر حقنده حکومتی ایفای وظیفه دعوت ضمنتده مجلسه برتقریر ویرمش وبونک اوزرینه مجلسده مهم وهیجانی مذاکرات جربان ایله مشدر . یومی غزته لرک قسماً یازمش اولدینی بومذاکراتی بویوک ملت مجلسنک ضبط جریده سندن نقل ایتمه یی مناسب کوردک . بوزاق مبعوثی احمد حدی بك احکام ومقدسات اسلامیه علیهنده مقالات نشریدن غزته لر حقنده مطبوعات قانونان تطبیقنه متدائر تقریری باش وکالته ویریلدیکی رئیس قنهی بك طرفدن بیلدیریلسی اوزرینه حدی بك کرسی به کله رک تقریری شو صورتله ایضاح ایتمشدر :

— اقدم ! برملککنده حریت فکریه اولمازسه اولملککنده ترقی بوللری مسدود دیمکدر ؛ بونی هیئت جلیله کز قبول ایدر . طبیعی حریت فکریه نك ناشری مطبوعاتدر وبوکا کیمسه نك بریدیجه کی یوقدر . مطبوعات ، حروسر بست اولمالیدر . فقط بومطبوعاتک حریتی دولته طانمش ، دولتک دینی اولان دین اسلامی تحقیر وتزییف درجه سنه کله ملیدر . بو اودرجه به کلیرسه صبر طاشار . بوکا حریت دینز ، بوکا تجاوز دیرلر افندیلر . شیمدی مطبوعاتده ، برطاقم غزته لرده قرآن عظیم الشان حقنده « کهنه بر قانوندر ، اسکیمش بر قانوندر . » کی تعبیرلر واردر . [خاشا سسلری] دها بونک کی تحقیر آمیز ، تزییفانه وادبان واحکام اسلامیه منر علیهنده برحقوق تمیزات واردر . مطبوعات قانونمزدده ، بونلر حقنده جزالر اولدینی حالده مدعی عمومیلر تعقیبات یایما یورلر . بویله تحقیر وتزییف حاوی مقالات نشر ایدنلر حقنده مدعی عمومیلر تعقیبات یایمه به مجبور ایکن هیچ بر طرفدن تعقیبات یایلمامشدر . بوتقریرمله عدلیه وکیلندن تمنی ایدیورم ، بو کیلر حقنده تعقیبات قانونیه اجرا ایدیلسون ...

تقریرک باش وکالته ویریلدیکی ، مذاکره آجمق لازم کلوب کله چیکی حقنده رئیسک بیاناتی اوزرینه قونی مبعوثی نعم حازم افندی بروجه آتی بیانانده بولونمشدر :

— بر سطر اوقویه جنم اقدم ، مساعده بویوروک . صوک کان اجتهاد غزته سنک « اجتهادک مدیر فکر لرندن » سر لوحه سی آتنده

دینیه وملیه به استناد ایتمکده در . هر کسه جوانمردانه معامله ایتمک ، زبونکشک ایتمه مک ، مرحمت وانصافی اونوتماق ، ضعیف اولانلری حمایه ایتمک ، بیوکله حرمت کوسترمک ، آمره اطاعت ، ملت اوغرینده هیچ بر فداکارلقدن چکنمه مک کی هریری ملتلر ایچون باشلی باشنه سبب ترقی وسعادت تشکیل ایدن فضائل ومعالیات اجتماعیه ، « تربیه ملیه ودینیه نك » تظاهرا تندن عبارتدر . جمعیتنک الک قوتلی نقطه سی ده مسندینی الک مبجل اساسات تشکیل ایدن « تربیه اجتماعیه سیدر . »

ملی موحدیتنر شمدی به قدر ناصل روح اصلیده وکندیسنه خاص اجتماعیاتله محفوظه ایدیلدیسه بوندن بویله ده بهمه حال عین یولک تعقیبی صورتیه مدافعه اوله بیلور . تربیه ملیه نك ، اجتماعیات ملیه مک دائماً کنج ، زنده وقوی بولمسی ، حریمه یابانچی عادلک ، لوثیاتک دخوله امکان بوله مامسیله ممکن الحصولدر .

چونکه غریبدن آله حق هیچ بر اجتماعی عمده — علمی ، فنی دیمورز — بزه اساساتمزدن دها یوکسک وحق عین درجه ده بر تکامل تأمین ایدمه چکدر .

ذاتاً تنظیماتک نشر واعلانندن بری غریبک علم وصرافی یرینه اجتماعیاتک اخذ وقبولی صورتیه هیئت اجتماعیه منک تفسخ وتردی به اوغرا دینی شبهه کورتورمنر حقیقتلردندر .

ملتتمزک ترقی وتجدده احتیاجی واردر . غریبک تکملات مادیه سی تأمین ایدن ماکنه جیلکی ، صناعیه ، اقتصادی ، تجارت واستحصالات اصوللری ، خزان مدفونه نك ثروته نقلی چاره لری تأمین مجبوریت واردر . ملی اولیان ، علم وصرافانه تعلق ایدن بولازمه لرک ایسترا آور وپاده ، ایسترا آمریقاده ، ایسترجینده اولسون هر زده استفاده بخش برشکلی کورولورسه کورولسون درحال احتیاجنر نسبتده اخذ واقتباسی ضررلی دکل ، بلکه بک فائده لیدر فقط بواخذ وقبول یالکز بوساحده قالمیدر . مطلوبمز اولان ترقی وتجدد هر شیدن اول متین برسجیه به ، یوکسک برعزمه متوقفدر . بومفهوملرایسه ملی ، دینی رصانتک درجه سنه تابعدرلر . شو حالده عصری برانکشاف مادی تأمین ایچون ده اساسات اجتماعیه منک مدافعه سنه شدتله لزوم واردر .

هانکی جهندن محاکمه ایدیلورسه ایدلسون « تربیه اجتماعیه » منک واوکامستند اولان « تربیه دینیه وملیه » نك تمیه سی ، تقویه سی ضرورتندیز . بوضرورتی تقدیر ایستدیکنه شبهه اولیسان هیئت اجتماعیه منک مراقبه عمومیه سنی شخصی تظاهرا نه قدر تشمیل ایدرک حیات عمومیه وخصوصیه نك کافه تجلیاتنده « تربیه ملیه ودینیه » یی اسالاس اوله رقی تلقی ایتمسی وتجددک روحمز ، اساساتمز داخلنده انکشافی تأمین ایلمسی صورتیه آرزمان ظرفندن اعظمی تکامل امکانی الله ایدلش اوله چقدر .

خلاصه ؛ وجه پیمزمنی صلاستله محافظه ایستدیکمز ، بنیان ملی